

佛說羅摩伽經

第四

百廿一  
退十

47993

七



元祿九年丙子二月日重脩

皇圖葉固 帝潛綴昌

佛日增輝 機輪常轉

山城州天安寺法金剛院置



羅摩伽經卷第四

退

乞伏秦釋聖堅譯

卷四

尔時善財童子即詣喜目觀察衆生夜天所  
時彼夜天於大衆中覩寶蓮華師子之座正  
受菩薩普現光幢喜淨法門一切毛孔出妙  
色雲其有見者喜悅無猷一一毛孔現衆寶  
雲所謂智慧行報饒益衆生離於諍訟以平  
等心不著諸法以上妙智攝諸衆生顯現三  
世修菩薩行心無憊悵能捨難捨普施一切





身心平等不可思議以布施福普攝衆生於  
諸衆生不起染著不見衆相不捨衆生悉具  
三世菩薩苦行十方世界一切衆生無明繫  
縛住癡有結菩薩即以大悲神通解其繫縛  
又於一切毛孔出生一切衆生數等菩薩自  
在隨應變化身雲以此身雲充滿一切虛空  
法界於衆生前示現色身正受不動於衆生  
前三昧神通覺悟衆生不樂世間遠離三界  
滅除生死如避火坑而於一切示現生死現  
天人中種種快樂及成敗相為諸衆生說不  
淨觀令諸衆生皆悉修行除顛倒想為諸衆  
生說於變易苦惱之法一切受身有為之法



皆悉無常願諸衆生深入佛境界永離無常  
住不可思議尸波羅蜜恒受諸佛清淨禁戒  
終不毀犯心無疑惑示諸衆生具足禁戒以  
戒香熏一切衆生又於毛孔出生一切妙色  
身雲割截手足及諸肢體捶打逼切訶責惡  
罵妄語誹謗皆悉忍受於彼衆生不生瞋心  
不起害意讚歎惡人終不毀犯身心恭敬深  
生恩愛猶如父母慈念一子雖作此行不生  
憍慢貢高之心顯現諸法真如法忍善能和  
合一切世界諸惡衆生深知盡無盡性虛空  
智慧行菩薩忍以佛心智斷一切煩惱滅一  
切結習悉能荷負一切世間醜惡衆生如護

眼目願一切衆生成就諸佛金剛忍德淨無  
瑕穢又於一一毛孔顯現如來清淨色身隨  
所應度衆生皆令得見又於一一毛孔出生  
一切諸趣種種色身示現勇猛精進令衆生  
修行如救頭燃降伏諸魔怨得勝不退轉救  
護於一切拔出生死海永離諸憂患及無明  
摩如卷四怖畏趣度生死山永離諸欲海供養恭敬一  
九乙切諸佛心無疲厭受持守護諸佛法輪勇猛  
精進滅除障礙普攝一切衆生皆令調伏入  
於律行心無懈怠普示一切淨佛國土教化  
衆生莊嚴阿耨多羅三藐三菩提心如是功  
德皆從精進波羅蜜本事果報生一一毛孔



出現一切種種形色以諸方便除滅衆生諸  
憂惱苦皆令歡喜呵責猊患一切五欲深生  
慚愧調伏諸根修行無上最勝梵行淨身口  
意業顯現世間一切所欲皆不可樂示現如  
是種種形色皆令快樂常樂受持出生正法  
心不散亂安住深入九次第定除滅衆生一  
切煩惱令得安樂顯現菩薩諸三昧海通明  
自在神力境界令諸衆生身心歡喜滅煩惱  
熱得清涼樂增進善法身口意業常得善寂  
諸根悅豫得法喜樂又於一一毛孔示現一  
切五道生處令十方五道皆見其身詣諸佛  
所盡一切佛刹諸佛師長及善知識恭敬供

養心不懈倦一切如來所轉法輪悉能受持  
終不疲厭不生退轉究竟一切諸佛刹海化  
度衆生示現一切法海護持正法不見法相  
於一實相示現一切諸三昧門身心清淨能  
斷一切衆生疑惑以智慧力分別一切衆生  
心海以金剛慧破壞衆生諸邪見山心生圓  
滿明淨慧日於一念中能除衆生癡冥闇蔽  
令諸衆生遠離聲聞辟支佛地疑惑顛倒有  
無二邊皆悉歡喜得智慧樂悉教一切迴向  
佛道又於一切毛孔出生一切衆生塵數等  
身示現種種色身不思議身隨所應度悉現  
其前於一音中說無量音無量音中演說一



音隨諸一切衆生類語說一切諸佛功德之  
藏示行世間有作無作有記無記悉了三世  
業行果報不樂三界讚歎出世離三界法一  
切顛倒邪見飢饉皆今出離向甘露道趣一  
切智超出諸地二乘怖畏於有爲無爲心無  
所著背捨生死正向涅槃不捨衆行不離諸  
還摩伽卷四三  
趣往來五道無有疲厭發勝進心成於平等  
以正覺法教化衆生得一切智一一毛孔出  
生示現一切佛刹微塵數等變化身雲徧現  
一切諸衆生前修普賢行滿一切願不可窮  
盡勤進衆生向薩婆若於一念頃示現修習  
一切淨行供養恭敬一切如來心無厭足建法

幢摧外道守護一切諸菩薩行心心相續具  
足一切諸波羅蜜一一微塵海出生一切諸  
法性海演說一切法音聲海徧滿十方微塵  
刹海以此音聲復盡微塵世界海劫長養一  
切衆生善根住壽一切無量無邊阿僧祇微  
塵數佛刹海阿僧祇等微塵數不可說不可  
說劫爲諸衆生令得增進復過是數住壽不  
滅於劫壞時承佛神力令得不滅三世一切  
微塵佛刹諸佛出世悉令往詣恭敬供養守  
護受持佛正法輪遊戲神通淨佛國土教化  
衆生至彼彼處令諸衆生皆大歡喜熙怡快  
樂於一一毛孔出一切化身應一切衆生衆



生業報現一毛孔又於一一毛孔雨一切供  
養具供養諸佛給施衆生法王心力故無壞  
境界不可窮盡堅住如相不退不沒心行平  
等無住無著出生歡喜無極清淨之行以慈  
心力除滅一切衆生罪惡菩薩本誓善願之  
力摧壞四魔滅除一切煩惱業山盡諸世法  
修大慈悲菩薩行得不退轉普攝一切十方  
世界有緣衆生令得修行諸波羅蜜示現菩  
薩無盡功德逮得菩薩轉法輪幢勝妙菩提  
諸陀羅尼以此勝慧降伏外道具菩薩行力  
波羅蜜爲諸衆生趣向薩婆若故一一毛孔  
示現一切衆生平等身相令衆樂見又於一

一毛孔顯現一切衆生類海又復顯現無量  
無數微塵數等不可說十方世界海微塵數  
等諸妙色身皆悉顯現隨應衆生菩薩智慧  
行力顯現不可說不可說智慧大海善知一  
切衆生心海善知一切衆生根海知諸衆生  
心心數海深入究竟智慧法界於念念念頃善  
能充滿一切法界解脫於世間讚歎出世間  
莊嚴淨佛國土讚歎淨國衆生習學諸佛遊  
戲神通讚歎諸佛神通願力詣諸佛所供養  
恭敬守護受持正法輪雲顯現智慧十波羅  
蜜令諸衆生皆大歡喜滅除熱惱遠離憂戚  
及世八法悉捨衆惡調伏諸根於一切智得

遊

摩伽卷四

沈



不退轉如是諸波羅蜜歡悅安樂化度衆生  
諸大菩薩以此勝法震大法雷覺寤一切睡  
眠衆生以勝慧法智力光明普能正彼狂亂  
惡行亦見諸佛本性淨行於一毛孔皆悉顯  
現而不障礙喜目觀察衆生夜天所修功德  
求善知識詣諸佛所親近供養修習諸善行  
檀波羅蜜難捨能捨悉捨王位國土城邑宮  
殿目妾人民眷屬出家學道是名行檀波羅  
蜜行尸波羅蜜修持淨戒如護一目雖受一  
切世間衆苦於所持戒而不毀犯一切衆生  
所不能爲菩薩行之是名行尸波羅蜜行羸  
提波羅蜜一切衆生瞋恚惡罵捶打毀謗逼

切其身皆悉堪忍無瞋恚色一切衆生奪其  
利樂害及親愛受如是苦心大歡喜譬如比  
丘入第三禪身心悅樂深信諸法堪受諸法  
不生不滅是名行羸提波羅蜜行毗梨耶波  
羅蜜爲一切智故悉受衆苦節節火燒終不  
恐怖爲一切智故起大勇猛如救頭燃專求  
菩提身心堅固不可毀壞無疲極念終不退  
轉是名行毗梨耶波羅蜜行禪波羅蜜身心  
不亂而徧諸方滿足清淨禪波羅蜜勇猛精  
進不捨三昧名禪波羅蜜而得清淨究竟一  
切諸清淨行入勝三昧神通遊戲度大智海  
念念相續皆悉次第入清淨定是名禪波羅



蜜滿足諸方便身心常淨是名禪波羅蜜一切禪定海究竟諸三昧海次第相續未曾斷絕是名禪波羅蜜行般若波羅蜜不著彼不著此於空法中得大解脫是大菩薩清淨圓滿般若波羅蜜自然智慧出生清淨慧日身心不著入智慧藏究竟觀察大智慧海般若

退

摩伽四卷

五

道榮示

波羅蜜不著法相行勝清淨智境界吉祥般若波羅蜜出生妙義智慧海般若波羅蜜行方便者出生一切諸方便身普智一切智明淨法界勝進力是名方便波羅蜜淨慧方便生法性生身出入息頃得淨方便無二本行是名方便波羅蜜諸菩薩等本弘誓願出清

淨身現生具足攝受衆生於一切衆生及諸  
善行心淨無著是名行方便波羅蜜行願波  
羅蜜出生一切願海身深入一切智慧諸三  
昧海起過一切聲聞辟支佛地示現出生本  
淨願行波羅蜜不捨不得隨所願求智慧本  
行淨諸願身是名行淨願波羅蜜行力波羅  
蜜備諸功德如意自在修助道法是名力波  
羅蜜因助道法饒益衆生修諸功德不著功  
德不見功德相是名力波羅蜜因力果力皆  
悉具足猶如大海是名力波羅蜜顯示種種  
法序說諸智力是名力波羅蜜雜因果力演  
說智力智雜業力是名行力波羅蜜行智波



羅蜜身智波羅蜜名字清淨智波羅蜜智慧  
境界智波羅蜜正疾行智波羅蜜普現光明  
猶如妙香異物同熏如呼聲響一切皆應是  
名智波羅蜜智焰光明勝妙音聲演說義味  
無有窮盡普攝一切是名智波羅蜜智波羅  
蜜出生生成滿本行果報性相清淨是名智波  
羅蜜智波羅蜜無著無護一切智集諸無著  
助菩提分智慧明了具勝進地深入甚深智  
行境界是名智波羅蜜智波羅蜜深入微妙  
知法性法智攝受諸法隨順智慧善知福田  
及非福田如實之相是名智波羅蜜諸如來  
智超出三界了達三出善知菩薩一切行業

普集衆智無所罣礙亦知菩薩正智住處應  
修正行又復善知從初發心趣向上地以方  
便心善知迴向善知諸法如業如報如善知  
法輪如知法輪如相是名智波羅蜜勝妙無  
著攝受正法攝受正法者惣知一切法惣知  
一切法者知法如來知法如去善知業智境  
摩伽卷四  
界善知刹刹境界善知諸劫善知三世智出  
六  
生諸佛智知佛智等正智知菩薩智知菩薩  
智智知菩薩住智知菩薩功德智慧智知菩  
薩淨心迴向智知諸大願智轉法輪智知分  
別法智入法海智知方便海智知法旋流隨  
羅尼智知諸法至趣智知如是等一切智波



羅蜜深遠無底廣大無邊究竟無際如是勝  
智十波羅蜜於一毛孔皆悉顯現一切毛孔  
皆悉顯現諸變化身化度衆生又於一切毛  
孔出生無量身雲所謂阿迦膩吒天身雲淨  
居天身雲善現天身雲不熱天身雲果實天  
身雲徧淨天身雲無量淨天身雲少淨天身  
雲淨果天身雲廣果天身雲無量淨果天身  
雲少淨果天身雲光音天身雲無量光音天  
身雲少光音天身雲大梵天身雲梵輔天身  
雲梵富樓那天身雲梵富樓吉那天身雲梵  
印天身雲梵自在天身雲他化自在天王及  
其天子天女身雲化樂天王化樂天子天女

身雲兜率隨天王兜率隨天子天女身雲焰  
摩天王及其天子天女身雲釋提桓因天王  
及三十二輔目天子天女身雲提頭賴吒天  
王及天子天女眷屬一切軋闍婆男女身雲  
毗樓勒叉天王及其眷屬天子天女一切鳩  
槃荼男女身雲毗樓博叉天王及其眷屬天  
子天女一切龍男女身雲毗沙門天王及其  
眷屬天子天女一切夜叉男女身雲緊那羅  
王及一切緊那羅男女身雲摩睺羅伽王及  
一切摩睺羅伽男女身雲迦樓羅王及一切  
迦樓羅男女身雲阿脩羅王及一切阿脩羅  
男女身雲閻羅王及一切閻羅王男女身雲



并及地獄惡趣身雲人王身雲男女身雲童  
男童女身雲出如是等一切諸趣身雲聲聞  
辟支佛仙人身雲地神水神火神風神海神  
河神山林樹神穀神味神藥草神園觀神泉池  
神城郭神道場神夜神晝神虛空神方神道  
神影神日精神諸魑魅神身形神金剛力  
士神步行神如是等一切神身雲普徧十方  
一切世界爲法界等一切衆生現喜見身介  
時喜目觀察衆生夜天從初發心所行功德  
積集無量諸波羅蜜次第受生死此生彼輪  
轉五道及其名号親近善知識值遇諸佛親  
近供養聞持正法行菩薩行心無罣礙得諸

三昧次第觀見一切諸佛色身相好見諸佛  
刹及見諸劫次第成壞得淨智慧深入法界  
觀察衆生知衆生海死此生彼得淨天耳次  
第悉聞一切音聲以聞聲故得知他心智悉  
知衆生心心所念無礙神足次第自在不著  
世間不受後有盡虛空界淨法性身修得神  
通淨妙報果充滿十方得諸菩薩次第法門  
究竟菩薩諸法門海菩薩自在勇猛精進菩  
薩遊步獨無所畏至於正趣離生死相勝妙  
清淨集諸功德如意法門等一切法界等示  
彼一切功德身雲示一切智慧身雲演說法  
音開現教化今得歸依徧一切處示現大道於



風輪中扇動出聲示現說法令彼受持示教  
利喜思惟不著地動水流海波火焰山相擊  
聲諸天宮城震動之聲摩尼寶殿震吼之聲  
天王形色鼓舞之聲龍王起雲雷震之聲夜  
叉軋闥波娑阿脩羅迦樓羅緊那羅摩睺羅伽  
等一切神王於十寶山種種音聲轉輪聖王  
及諸小王一切人衆男女音聲梵王音聲一  
切諸天歌頌音聲天樂音聲摩尼寶王神珠  
音聲夜天音聲聲聞緣覺菩薩音聲如來音  
聲如來化身所出音聲如是等種種音聲爲  
諸衆生分別演說喜日觀察衆生夜天從初  
發心功德境界難得能得一切苦行難行能

行如是等行皆承佛力而得通達一切功德  
變化身雲於一身雲說此清淨無著法雲  
間無斷絕於念念中遊十方世界修於淨土  
復今過是無量無邊世界應受惡道若無量  
無邊諸衆生等成就天人樂無量無邊衆生  
度生死海無量無邊衆生安住聲聞辟支佛  
經摩伽四卷  
地無量無邊衆生離聲聞辟支佛地得諸菩  
薩不退轉行不可思議廣博喜幢自在法門  
於念念中令無量無邊衆生住如來地介時  
善財童子皆得見聞善知解了諸竒特事正  
念思惟觀察分別深入禪定智慧安住平等  
何以故與彼夜天先身同行故佛所護念故



成就不可思議如幻諸音根故具足菩薩不  
思議根故成就菩薩諸音根故得生如來種  
姓家故得善知識恩力故一切如來無著神  
力之所持故毗盧遮那佛本願力故成就善  
根堪受普賢菩薩諸願行故尔時善財童子  
得菩薩歡喜淨光明大海幢法得十方一切  
諸如來力得彼夜天毗羅摩伽菩薩幢法門  
得彼法門已深入觀察普照十方光明法海  
三昧尔時善財童子即起恭敬合掌以偈讚  
歎彼夜天曰

無量無數劫

深入最勝法

顯現妙法身

隨衆所應見

了知群生心

無明顯倒惑

以種種方便  
久除諸熱惱  
陰入及與界  
解脫一切有  
淨明智慧光  
除滅諸疑惑  
無礙三昧力  
心念生三昧  
攝取諸衆生  
業行自莊嚴  
相好備嚴飾  
顯現無礙身

度脫衆生類  
非二示有二  
悉皆無所著  
不著内外法  
普照生死間  
一切樂世樂  
於一毛孔  
心念三昧力  
究竟一切法  
演說無礙道  
猶如普賢像

常淨妙法身  
度脫衆生故  
衆行及色身  
越度生死海  
喜目根無著  
爲現佛十方  
出諸化身雲  
供養十方佛  
觀察諸有海  
令衆清淨故  
隨應受化身



尔時善財童子偈讚歎已白言天神發阿耨  
多羅三藐三菩提心為已幾時得此法門其  
已久如尔時夜天以偈答言

我念過去世無量刹塵劫

尔時有一劫

名曰寂靜音

城有轉輪王

清淨妙色身

具三十二相

九八十好莊嚴

妙身圓滿幢

閻浮檀金色

光明照一切

安詳遊虛空

轉輪王千子

勇猛身端正

大臣有一億

智慧悉賢明

有十億姝女

端嚴如天后

大慈悲柔軟

奉給侍大王

時彼轉輪王

常以正法治

摠領諸山地

一切四天下

棄國捨世榮

出家求佛道

我為聖王后

具足梵音聲

身出金色光

周照四萬里

日光既已沒

中夜閑寂然

我當於今時

神瑞降善夢

聞佛出世閒

号曰功德海

顯現自在力

充滿十方界

放光明網海

照一切刹土

無量自在身

充滿十方界

種種變化身

光明果報力

充滿恒河沙

遍照一切趣

天地六種動

自然出妙音

如來出興世

衆生皆歡喜

一切毛孔中

出佛化身海

充滿十方界

隨應演說法

我夢見如是

如來自在力

聞說微妙法

身心大歡喜

十千夜天神

充滿虛空中

讚歎彼如來

開發覺寤我

彼天告我言



賢慧汝今起  
聞此音歡喜  
道場樹王所  
一切毛孔中  
心生大歡喜  
夫人覺語王  
喜樂充滿身  
眷屬四兵衆  
常供養如來  
彼佛爲我說  
隨聞度衆生  
諸有放逸者

佛已興汝國  
即見明淨光  
我見如來身  
放大光明海  
即發弘誓願  
眷屬及姪女  
即時與大王  
往詣如來所  
七寶四天下  
功德普雲經  
我發大誓願  
悉令遠衆惡

劫海難值遇  
觀察從何來  
如須彌山王  
見佛自在力  
願我如世尊  
我夢見佛光  
無量那由他  
我於二萬歲  
一切悉奉施  
大願海莊嚴  
未來作夜天  
尔時我初發

無上菩提心

生死有為中

未曾有忘失

從是復供養

十億那由佛

生死海受樂

饒益諸衆生

初佛功德海

第二功德燈

第三寶焰佛

第四豐慧智

第五天華藏

六無礙月音

第七法月王

八圓滿智王

第九寶焰佛

無上天人尊

第十日音聲

我已悉供養

如是等諸佛

十億那由他

猶未得慧眼

究竟生死海

次第復有劫

名曰天妙勝

世界名寶光

五百佛興世

初佛圓滿月

第二明淨日

第三光幢佛

四須弥山王

第五華焰海

六智慧海幢

第七然燈佛

第八天德藏

第九光明幢



第十普智王

如是等諸佛

我已悉供養

未離五陰苦

非樂生樂想

於法不生疑

亦不疑正法

次第復有劫

名莊嚴梵音

今時有世界

名蓮華燈雲

彼有無量佛

及諸佛眷屬

我已悉供養

聞受持正法

初佛名寶山

第二功德海

法界須彌幢

第四法須彌

第五法幢佛

第六地威神

第七法力佛

第八虛空慧

第九法焰山

第十照明山

如是等諸佛

我已悉供養

猶未了真實

究竟盡法海

次第復有劫

名曰歡喜德

今時有世界

名曰光功德

彼劫有八十

那由他諸佛

我已悉供養

禮敬最勝尊

初卍闍婆王

二壽命樹王

三須彌功德

第四寶眼佛

五毗盧遮那

六賢聖莊嚴

第七法勝王

第八明淨德

第九世間王

十一切法王

如是等諸佛

我皆已供養

猶未得妙智

深入諸法門

次第復有劫

名曰淨不壞

今時有世界

名普光莊嚴

十佛興世間

除無量煩惱

功德已莊嚴

嚴淨諸衆生

有千佛興世

無量德莊嚴

除滅煩惱垢

今衆悉清淨

初佛名無爭

第二無礙力

第三法界光

第四梵髻王

五波樓那天

第六衆生歸

七圓滿忍燈

八具足法燈

九光明嚴海



第十威神王

如是等諸佛

我皆已供養

猶未解真法

遊行一切刹

次第復有劫

名曰香燈刹

尔時有世界

名曰清淨起

一億佛興世

嚴淨一切劫

彼佛所說法

我聞悉受持

初法名稱王

二名法身海

三名勇猛頂

四功德法王

第五勝法雲

六名天首冠

第七智炎佛

八名虛空力

九名普勝起

十名妙德首

供養彼佛已

成就八正道

次第復有劫

名明淨金剛

尔時有世界

名曰寶幢王

五百佛興世

彼諸如來等

我皆已供養

求無礙法門

初名圓滿德

第二寂然音

第三功德海

四曰威神王

第五法最王

六名須弥相

第七名法王

第八功德王

第九功德山

第十光明王

如是等諸佛

我已悉供養

我皆悉嚴淨

一切最勝道

猶未得具足

究竟深法忍

次第復有劫

名曰勝稱音

尔時有世界

名曰寂靜音

八十那由他

諸佛興出世

我已悉供養

於彼修正道

初佛号華聚

第二海藏佛

第三功德起

第四天周羅

第五摩尼藏

六号金山王

第七寶趣佛

第八寂靜幢

第九法幢佛

第十号財首

如是等諸佛

我已悉供養

次第復有劫

名千首功德

尔時有世界



名曰善華燈

六億那由他

諸佛興出

我已曾供養

彼一切諸佛

初佛寂靜幢

第二智印王

第三号百燈

四功德雲王

寂靜光明王

第六明淨日

第七法燈王

八功德首王

九天功德藏

十智慧雲雷

如是等諸佛

我皆已供養

未得無生忍

究竟諸法門

次第復有劫

名無著焰光

尔時有世界

名無量勝光

有三十六億

那由他佛出

如是等諸佛

我皆已供養

初号普山王

第二虛空心

第三号集智

第四莊嚴藏

第五法海音

第六持音聲

第七化音聲

第八化雲海

九功德音海

第十妙音幢

十一普威德

第十二法海

十三集音聲

十四功德海

十五燈明首

十六寶焰首

十七燈明佛

十八功德焰

十九月天佛

二十功德勝

彼諸如來等

我皆得值遇

彼兩足世尊

出興於世時

我為功德天

供養彼最勝

時佛為我說

莊嚴大海願

陀羅尼念力

皆悉能受持

我得明淨眼

三昧陀羅尼

於一一念中

悉見無數刹

出生大悲藏

深入方便雲

心淨如虛空

皆從夢中生

始發菩提心

廣大如虛空

究竟無邊際

為度眾生成

盡未來際劫

願求諸佛力

觀察諸眾生



常樂我淨倒

愚癡闇所覆

煩惱起虛妄

邪見貪欲等

無量諸惡業

一切諸趣中

具受不善報

一切諸趣中

種種業受身

生老病死患

無量苦逼迫

我發無上心

安樂諸衆生

今至諸佛所

成滿如來力

滿足大願雲

常見一切佛

修習於正道

具足諸功德

一向廣專求

無量功德雲

羅摩伽三昧

充滿諸法界

廣大波羅蜜

聲聞十方刹

一切諸佛所

聞此羅摩伽

即具普賢行

入淨深法界

攝持一切法

成滿一切地

三世方便海

修習無礙行

一心具佛智

智慧悉通達

尔時夜天說此偈已頭面敬禮一切諸佛未  
舉頭頃見一切如來足下千輻相輪逆觀如  
來一切相好於佛相好中身心明了不著相  
好以廣大心速疾聞佛五分法身香究竟一  
切諸波羅蜜住菩薩地盡佛法海遠離一切  
三世色聲香味觸法海住普賢菩薩廣行究竟  
地圓滿清淨大境界地於一念頃普現十方  
無量佛刹具十法門一一法門具足無量無  
邊不可思議阿僧祇等諸法界海盡一切苦  
際皆悉深信佛子如是等種種功德我已久  
修信解受持具普賢行善男子尔時智慧轉  
輪聖王劫劫相續常紹王位受佛種性生釋  
種家不斷如來善寂種性者豈異人乎今文  
殊師利童子是也尔時轉輪聖王夫人賢慧



種家不斷如來善寂種性者豈異人乎今文  
殊師利童子是也尔時轉輪聖王夫人賢慧  
玉女者今我喜目觀察衆生夜天是時覺寤  
我夜天者今普賢菩薩所變化身是善男子  
我於尔夜時夢覺已見佛光明初發阿耨多  
羅三藐三菩提心發是心已於無量佛剎微  
塵數劫不墮惡道常生天上下在人中受諸  
快樂值見諸佛於其中間經無量劫乃至報  
應首功德幢如來應供正遍知所得此普光  
喜幢法門得此法門已示現種種身調伏衆  
生隨順開發皆令隨順近善知識若天若人  
及餘一切於未來世聞向佛名及聞普光喜

生隨順開發皆令隨順近善矢語若天若人  
及餘一切於未來世聞向佛名及聞普光喜  
幢法門毗羅摩伽三昧名号受持讀誦解說  
書寫亦得超越無量佛刹微塵劫海生死之  
罪不墮惡道常生天上人中受諸快樂常見  
諸佛聞法受持終不忘失善男子我於寶光  
功德焰佛所得此普光喜幢速疾法門得此  
法門已一向專求諸善知識身心諸根歡喜  
悅樂遊諸方面調伏衆生今入律行善男子  
我惟知此普光喜幢法門毗羅摩伽三昧圓  
滿清淨勝光境界諸大菩薩於念念頃不離  
善知識深入方便智慧大海因善知識出生  
長養速疾法門發一切大願海於一切劫不  
離善根念念相續近善知識求妙功德救護



衆生悉具一切普賢菩薩所行之道。爾時喜  
目觀察衆生。夜天爲善財童子顯現菩薩教  
化一切世間法門境界。相好莊嚴。身相眉間  
白毫相中。放大光明。名普慧焰燈。清淨幢無  
量光明。照一切世界。已入善財頂。充滿其身。  
爾時善財童子。即得毗羅摩伽圓滿三昧。得  
此三昧。已於一一身充滿法界。於一切地。水  
火風微塵。衆寶微塵。香微塵。金剛微塵。摩尼  
珠微塵。碎末微塵。一切莊嚴微塵。如是等一  
一微塵海中。悉見佛刹微塵等世界。成壞四  
大成敗相。風輪水輪金剛輪地輪種種莊嚴  
衆山圍繞。無量大海諸天宮殿諸雜寶樹種

種莊嚴諸龍宮殿夜叉軋闍婆阿脩羅迦樓  
羅緊那羅人非人等城郭宮殿地獄餓鬼閻  
羅王處死此生彼皆悉了知諸法因果一一  
身中普現一切法界等身悉見一切諸佛刹  
土隨所應化度脫衆生業報好醜以微妙音  
普為說法今此法音從毛孔入令諸衆生皆  
得法行見一一刹及見一切世界微塵數刹  
見無量無邊一切諸佛如來海深入善根於  
諸佛所住一切法界於無量佛所得無量法  
門越度生死遊戲神通於一一佛所自念從  
初發心修菩薩本行普集善根一切境界果  
報於一一佛所得聞諸佛所轉法輪受持不



忘守護正法以本願善根力悉見三世一切  
佛海越生死流善男子諸大菩薩成就如是  
無量無邊諸大功德我當云何能知能說彼  
功德行今時喜目觀察衆生夜天告善財童  
子言我以此普光喜幢法門力故常見諸佛  
間無空缺以此義故徧一切處守護佛法盡  
虛空界心不疲厭云何能為守護一切諸佛  
正法以毗盧遮那佛本願力故及觀世音菩  
薩摩訶薩威神力故持百寶蓮華陀羅尼呪擁  
護受持讀誦行正法者今時喜目觀察衆生  
夜天承佛神力即說百寶蓮華陀羅尼呪  
多姪他 摸利翅 波闍羅摸利翅 賒摩

他移 毗賒摩他移 波臘波檀尼翅 鬱

他婆尼翅莎呵 禪頭音頭翅掬反 曼頭翅莎

呵 賒俾多鉢頭摩 無至翅莎呵 因陀

羅波尼翅莎呵 曼檀祢莎呵 喻闍祢莎呵

若有受持此呪者不墮地獄餓鬼畜生於現

身上終不橫死不遭縣官牢獄繫縛常受一

切清淨快樂若有得此陀羅尼者當知此人

常得不離值見諸佛亦復不離聞佛說法轉

正法輪又復常得無盡清淨法音聲海辯才

印陀羅尼若有得聞此陀羅尼者具足一切

菩薩淨行必度生死海當到彼岸尔時善財

童子聞此陀羅尼已恭敬頂禮喜目觀察衆



生夜天足繞無數而專心思惟正念菩薩圓  
滿淨幢菩薩法門思惟分別觀察正受念善  
知識教深入隨順善知識教時彼夜天告善  
財言善男子此佛衆中有一夜天名普覆衆  
生威德汝詣彼問云何菩薩學菩薩行具菩  
薩行修菩薩道時善財童子頭面敬禮喜目  
觀察衆生夜天足辭退而行詣普覆衆生威  
德夜天所求善知識心無厭足即得發起宿  
世善根一切境界此境界力普見十方諸佛  
菩薩諸善知識威儀庠序捨離憍慢深生恭  
敬所見菩薩及善知識念念相續無有異心  
皆悉歸依諸善知識彼諸菩薩從初發心堪

為法器乃至十地求善知識如我無異常為  
善知識之所覆護聞善知識所說密語憶持  
在心終不忘失為成菩提故修一切善根莊  
嚴功德具諸方便皆由先世親近善知識故  
爾時普覆衆生威德夜天普放光明此光明  
名調伏一切衆生律儀示現莊嚴法門得此  
法門故具足相好以莊嚴身以此相好身示  
一切衆生令得歡喜一一相好示現一切衆  
相光明現光明已於白毫相放一切光以此  
光明普照一切以一切光以為眷屬此光名  
普智焰毗羅摩伽圓滿明淨三昧境界又此  
光明無量無邊無有崖際普照十方一切世



閒已入善財童子頂充徧其身於其身內悉  
見衆生死此生彼善惡業報皆悉現於善財  
身中尔時善財童子即得極妙清淨毗羅摩  
伽三昧得此三昧時無量無邊諸衆生等發  
阿耨多羅三藐三菩提心一切大衆皆大歡  
喜禮佛而退

羅摩伽經卷第四

